



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Abbati Vngiacen.

**urn:nbn:de:hbz:466:1-20006**

nachos albos & nigros & Priorem de Allavilla Canonicum regularem ordinavit in Ecclesia sua Canonicos. Quod factum tanquam ridiculosum sedes apostolica, cum ad ejus venisset notitiam, revocavit. Præterea quendam nepotem suum, qui profellus ordinem de Corona, ibi in sacerdotali officio & habitu regulari diu fuerat conversatus, extratum inde canonicavit in Ecclesia Cathedrali. Sed Abbas loci, tanquam discretus & providus, ipsum postmodum revocavit ad claustrum. In solennitatibus expressis à canone in majori Ecclesia non deservit. Confirmat Abbates, & tractat causas difficiles, sine Canonorum assensu. Presbyteri & Clerici per ejus insufficientiam capiuntur. Bona ecclesiastica occupantur, & homines sibi & antecessoribus ejus debita & exhibita subtrahunt; & præterea jura quæ prædecessores sui in civitate haec tenus habuerunt, ferè permisit penitus desperare. Sententias quoque à sede apostolica confirmatas præsumpsit auct. \* apostolica relaxare, & alia multa committere quibus correctionis debitæ manus celeriter convenit adhiberi. Ideo que fraternitati tuae per apost. scripta mandamus quatenus vocatis ad præsentiam tuam qui fuerint evocandi, inquiras super præmissis omnibus & aliis quæ proposita fuerint, appellatione remota, diligentius veritatem; & quæ inveneris, fideliter redacta in scriptis nobis sigillo tuo signata mittere non postponas; præfigens partibus terminum competentem, quo cum ipso nostro se debeant præsentare conpe-tui, sententiam auctore Domino receptaræ; attentius provisurus quodd mandatum nostrum raliter executioni demandes, quod tua fraternitas meritò possit & debeat commendari. Nullis literis &c. veritate tacita. Datum Romæ apud sanctum Petrum III. Kalend. Iunij.

ABBATI ET CONVENTVI  
Carilocii.

Epiſt. 132.  
Cap. Ex parte.  
De temp. ordi.

**E**x parte vestra nostro fuit apostolus latui reseratum quodd quidam monachus vester se ad nigros monachos transferens, & habitum nigrum ibidem assumens, ad sacerdotij ordinem in ipso habitu est promotus. Vnde quia in hoc articulo dubitatis utrum in assumptione taliter ordine debeat ministrare, nos hujus-

modi dubietatis scrupulum enodantes, per apostol. vobis scripta mandamus quatenus nisi aliud canonicum ei videbitis obviare, ipsum monachum officium sacerdotis exequi liberè permittatis. Datum Romæ apud sanctum Petrum.

ABBATI VNGIACEN.

**T**unc libenter postulata concedimus, quando quod petitur ab equitate non deviat, & pertinetis personæ gravitas morum & vita merita suffragantur. Postulasti siquidem à nobis, dilecte fili, de benignitate tibi sedis apostol. indulgeri, ut in causis Ecclesiae tibi commissæ uti testimonio fratrum tuorum valeas, & eis habeatur fides, sicut consuevit testibus adhiberi. Nos ergo attentes petitionem tuam institutis canonice convenire, quæ in causis civilibus illos testes statuunt assumendos qui negotia ecclesiastica tractaverunt, & de quorum fide non potest aliquatenus dubitari, auctoritate tibi præsentium indulgemus, ut quoties Ecclesia tuae videris expedire, in causis quæ non fuerint criminales, fratres & Canonicos Ecclesiae tuae inducere possis ut perhibeant testimonium veritati. Datum Romæ &c. Kalend. Iunij.

E D V E N. E P I S C O P O,  
Vngiacen. & sancte Margarite  
Abbatibus.

**L**icet bona memoria Clemens & Celestinus prædecessores nostri de tuae, frater Episcope, discretionis honestate confisi, solicitudini tuae dederint in mandatis ut tui episcopatus loca religiosa, quæ à sui status integritate collapsa cognosceres, & in quibus religionis observantiam attenderes diminutar, pontificali auctoritate corrigere non differes; ut tamen tua maturitatis correctionem obtineat firmitatem, auctoritatem nostram super hoc & favorem solicitè postulasti. Nos igitur considerationem tuam dignis laudibus commendantes, & volentes abbatiam sancti Iohannis Eduensis, quæ in magnam dissolutionem religionis & ordinis collapsa proponitur, per tuae discretionis industriam correctione debita reformari, discretioni vestrae per apostolica scripta mandamus, quatenus ad locum pariter accedentes, de statu monasterij plenam stu-

Epiſt. 133.  
In causis Ec-  
clesie & cano-  
nicis, Ecclesie  
membra te-  
mbrantur.

Epiſt. 134.  
De restaura-  
tione, &  
reformâ mo-  
naстica dis-  
cipula.